

ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

ԳԼԱՋՈՐԻ ՀԱՄԱԼՍԱՐԱՆԻ ՏԵՂԸ ԵՎ ՀԻՄՆԱԳՐՈՒԹՅԱՆ ՏԱՐԵԹԻՎԸ

(Գլաձորի համալսարանի հիմնադրման 700-ամյակի առթիվ)

Պատմ. գիտ. դոկտոր Ա. Գ. ԱՅՐԱՀԱՄՅԱՆ

Գլաձորի համալսարանն անցյալի հալ մշակույթի կարևոր օջախներից մեկն է: Նրանից առաջ ու հետո միջնադարյան Հայաստանում, ճիշտ է, գործել են բարձրագույն համարումով դպրոցներ՝ Անի, Հռոմկլա, Հավուց Թառ, Տաթև և ուրիշներ, սակայն նրանցից ոչ մեկն իր ուսումնագիտական մակարդակով, հասարակական կյանքում խաղացած օգտաշատ դերով և ստեղծագործական բարձրավետ մշակույթով չի կարող համեմատության մեջ դրվել Գլաձորի հետ: Պատահական չէ, որ ժամանակակիցները համալսարանը հիշում են արտակարգ բարձր կոշտամեքով՝ «Երկրորդ Աթենք պանծալի», «Մայրաքաղաք իմաստութեան», «Մեծ դպրատուն», «Գերահռչակ համալսարան» և այլն: Որքան էլ չափազանցված համարենք այդ կոշտամեքը, այնուամենայնիվ, նրանք ցուցանիշ են Գլաձորի համալսարանի երբեմնի վայելած մեծ հեղինակության:

Գլաձորը շուրջ 70 տարիների ընթացքում տվել է զարգացած և հայրենասեր մտավորականների ընտիր մի սերունդ, որը XIII դարի վերջերին և XIV դարի առաջին կեսին՝ հայ ժողովրդի փորձության ծանր տարիներին, կարողացել է ոչ միայն ոչնչացումից փրկել անցյալի հարուստ մշակույթի ստեղծագործությունները և պատվով փոխանցել գալիք սերունդներին, այլև իր ծանրակշիռ ներդրումները կատարել իր ժառանգած մշակույթի վրա: Գլաձորի համալսարանում է սովորել հայ ականավոր պատմիչ Ստեփանոս Օրբելյանը՝ «Պատմութիւն նահանգին Սիսական» աշխատության հեղինակը: Գլաձորի սաներից է Տաթևի համալսարանի նշանավոր ուսուցչապետ Հովհաննես Որոտնեցին: Գլաձորում են իրենց ուսումն ստացել մատենագիրներ Մխիթար Սասնեցին, Հոհան Արճիշեցին, Տիրատուր Կիլիկեցին, Կիրակոս Երզնկացին և շատ ուրիշներ: Գլաձորի հետ են կապված եղել տաղերգուներ Խաչատուր Կեչառեցին և Հովհաննես Երզնկացին: Ենթադրվում է, որ Գլաձորի սաներից էր հայ միջնադարյան բանաստեղծության պարծանք Պրիկը: Գլաձորում սովորելու են եկել Հայաստանի տարբեր վայրերից՝ Տարոնից, Երզնկայից, Շիրակից, Այրարատից, Թավրիզից, Գուգարքից, հեռավոր Կիլիկիայից և այլ վայրերից:

Մեզ են հասել Գլաձորում գրված և զարգանկարված տասնյակ ձեռագրեր, որոնք ցրված են աշխարհով մեկ և բազմաթիվ գրադարանների, թանգարանների և ձեռագրական հավաքածուների հիասքանչ ցուցադրողներն են հանդիսանում: Գլաձորի ձեռագրերից կան Մաշտոցի անվան Մատենադարանում, Վենետիկի և Վիեննայի Մխիթարյանների ձեռագրական հավաքածուներում:

Բրիտանական թանգարանում, նոր Զուղայի գրադարանում, Երուսաղեմի Ս. Հակոբյանց մատենադարանում և այլ ձեռագրական հավաքածուներում:

Թե ինչ ջանասիրությամբ են Գլաձորի գրիչները ձեռնամուխ եղել ձեռագրերի ընդօրինակմանը, այդ կարելի է պատկերացնել Սարգիս գրչի՝ Գլաձորում 1318 թ. ընդօրինակած ձեռագրի հիշատակարանից. «Ես՝ Սարգիս, համբավ և սպասավոր բանի, տկար մարմնով և տառապեալ անձամբ, բազում աշխատութեամբ ծրագրեցի զսոյ իմովս փծուն և անարհեստ մատամբ գումարեցի զսա իբրև զմեղու, որ զխորիսին ժողովէ ի վայելուչ բուրաստանաց ի բջիջս մաղու իւրոյ նախ ի պէտս իւր և ապա ի բժշկութիւն հիւանդաց և ի պէտս թագաւորաց և իշխանաց, այնպէս և ես կամեցա զսա ամբարել ի քարտի...»¹:

Գլաձորի ուսումնականներն ընդօրինակել և մեկնաբանել են անտիկ և վաղ քրիստոնեական աչքի ընկնող տասնյակ հեղինակների աշխատութիւններ: Նրանց մեջ կան այնպիսի հեղինակներ, ինչպես, օրինակ, Կյուրեղ Աղեքսանդրացին, Եփրեմ Ասորին, Հոհան Ոսկեբերանը և հույն ու ասորի ալլ հեղինակներ, որոնց առանձին աշխատութիւնների բնագրերը մեղ են հասել միայն գլաձորցիների կատարած ընդօրինակութիւնների միջոցով:

Գլաձորի ուսումնականները, սակայն, միայն օտար հեղինակների աշխատութիւնների ընդօրինակութիւններով կամ նրանց մեկնութիւններով չէ, որ զբաղվել են. նրանք լծված են եղել ստեղծագործական աշխատանքի, գրել են ինքնատիպ աշխատութիւններ, որոնք ընդգրկում են գիտութիւն տարբեր բնագավառներ: Դրանց մեջ կան փիլիսոփայական, քերականական, տոմարագիտական և գիտութիւն այլ ասպարեզներին վերաբերող արժեքավոր աշխատութիւններ: Զգալի թիվ են կազմում հատկապես աստվածաբանական երկերը:

Գլաձորցիները շնորհակալ գործ են կատարել հին հայկական բնագրերի հավաքման, նորոգման և ընդօրինակման գործում: Գլաձորին ենք մենք պատական ներսես Մշեցու և Եսայի Նշեցու պատվերով Լուսեր գրչի 1280 թ. ընդօրինակած Եզնիկ Կողբացու «Եղծ աղանդոց» սքանչելի աշխատութիւնը, որը տվյալ հեղինակի մեղ հասած միակ ձեռագիրն է:

Խոշոր է եղել Գլաձորի դերը հայ ժողովրդի հասարակական և քաղաքական կյանքում: XIII—XIV դդ. մոնղոլական վայրագութիւնների հետեանքով հայ ժողովուրդը հայրենի երկրում ենթակա էր ֆիզիկական բնաջնջման, իսկ Կիլիկիային վտանգ էր սպառնում մոնղոլական հորդանքի և եգիպտական սուլթանութիւն կողմից: Հայ ժողովրդի համար ստեղծված այս ծանր կացութիւնը փորձեց օգտագործել Վատիկանը. նա խոստացավ հայերին օգնութիւն ձեռք մեկնել մի պայմանով՝ եթե նրանք համաձայնեն կաթողիկոսութիւն ընդունել: Կիլիկիայի հայ կաթողիկոսներից և թագավորներից ոմանք հարկադրված պատրաստակամութիւն հայտնեցին ընդունելու կաթողիկոսութիւնը: Փորձութիւն այս ծանր շրջանում Գլաձորի հեռատես մտավորականներն էին, որոնք շատ շուտ կռահեցին, որ դավանափոխութիւնը հայ ժողովրդի համար կարող է ճակատագրական լինել. ավանդակուն սովորութիւններից հրաժարվելը արյունաբամ եղած ժողովրդին կտաներ դեպի ձուլում: Եվ գլաձորցիներն էին, որ համարձակ պատասխանեցին Վատիկանին թե՛ «Հաւան եմք մեք ընդ մեր

¹ Գ. Հովսեփյան, Խաղբակյանք կամ Պոռշանք հայոց պատմութիւն մեջ, մասն Բ, Երուսաղեմ, 1944, էջ 229:

հարսն ի դժոխս իջանել և ոչ ընդ Հոռոմոց յերկինս ելանել²։ Ի դեպ, հետագայում Գլաձորում հայրենասիրական հին ավանդույթով դաստիարակված սաներն էին, որոնք հայ հասարակական և քաղաքական ուժերը համախմբելու նպատակով ծրագրեցին և իրագործեցին Ամենայն Հայոց կաթողիկոսական դահլիճի փոխադրումը Էջմիածին։

Վաստակաշատ բանասեր Գ. Հովսեփյանը, որը հանգամանորեն ուսումնասիրել է Գլաձորի համալսարանի գործունեությունը, հետևյալ կարծիքն է հայտնել նրա մասին. «Գլաձորը վանք չէր սովորական մտքով, ինչպես Կեչառույքն էր, Գեղարդը և այլն, ուր նույնպես վարդապետներ կային և որոնք աշակերտներ ունեին, այլ գերազանցորեն դպրոց... XIII դարի վերջին երկու տասնամյակից սկսած մինչև XIV դարի կեսերը հոգևոր քաղաքակրթական բնույթ կրող բոլոր երևույթները մեծ կամ փոքր չափով կապված են Գլաձորի հետ»³։

Հայ մշակույթի այս հռչակավոր շախը գտնվել է Սյունիքի Վայոց Ձոր քաղաքում, ներկայիս Ծղեգնաձորի շրջանում։ Բարձրագույն հաստատության հիմնումը լեռնոտ Դարալագյազում, իհարկե, պատահական չէր։ 1236 թ. մոնղոլների կողմից Հայաստանը նվաճվելուց հետո հայ ժողովրդի համար ստեղծվեց անտանելի ծանր վիճակ. մոնղոլ տիրակալները սկսեցին իրենց անօրինակ վայրագությունները անպաշտպան բնակչության նկատմամբ։

Մոնղոլական դաժանություններից համեմատաբար ազատ մնաց Սյունիքը։ Նրա աչքի ընկնող իշխաններից մեկը՝ Սմբատը, դիվանագետ մի անձնավորություն, անձամբ ուղևորվեց Կարակորում, Մանգու խանի մոտ, նրան նվեր տարավ թանկարժեք մի գոհար և կարողացավ խանից ստանալ «ինչուական» իրավունք՝ քաղաքական բնույթի բացառիկ մի առանձնաշնորհ, որով Սյունիքն անմիջական վասալական կախվածության մեջ էր մտնում մեծ խանից և ազատվում մոնղոլ մեծ ու փոքր պաշտոնյաների ու զինվորականների կամայականություններից։ Մոնղոլ տիրակալների սիրալիրությունը շահեց նաև Վայոց Ձորի Պռոշ իշխանը, որը մոնղոլների բանակում, իր զորամասով, մասնակցեց Բաղդադի գրավմանը և աչքի ընկավ քաջագործություններով։ Սյունիքի համար ստեղծված այսպիսի շատ ու քիչ բարենպաստ քաղաքական պայմաններում հնարավոր եղավ Վայոց ձորում հիմնել Գլաձորի համալսարանը և գրչության մի շարք օջախներ՝ Բոլորբերդը, Հերմոնը, Եղեգնորը, Վերին Նորավանքը և ուրիշներ։

Գլաձորը, իբրև բարձրագույն ուսումնական հաստատություն, բավականաչափ ուսումնասիրված է։ Հրատարակված է համալսարանին վերաբերող սկզբնաղբյուրների մեծ մասը, լուսաբանված են նրա պատմության հետ կապված բազմաթիվ հարցեր, սակայն լուծման կարոտ են համալսարանի տեղադրության և հիմնադրության տարեթվի հարցերը։ Այս հռչակավոր ուսումնական հաստատության հիմնադրման 700-ամյակի առթիվ հայագիտության առաջնահերթ խնդիրներից մեկն է որոշակի պատասխան տալ այս հարցերին։

² Ս տ ե փ ա ն ն ո ս 0 ը բ է լ հ ա ն, Պատմություն նահանգին Սիսական, Թիֆլիս, 1910, էջ 459։

³ Գ. Հովսեփյան, Խաղրակյանք..., մասն Բ, էջ 198—199։

* * *

Գլաձորի տեղը պատմագիտական գրականության մեջ վիճելի է համարվում. գիտնականներից ոմանք այն տեղադրում են Եղեգնաձորի շրջանի վերնաշեն գյուղից՝ վերև, Բոլորբերդի ձորում, իսկ մյուսները այն համարում են նույն շրջանի Թանահատի վանքը:

Գլաձորի տեղադրության հարցին առաջին անգամ անդրադարձել է մեծանուն Ղևոնդ Ալիշանը: Նրա կարծիքով Գլաձորի համալսարանը գտնվել է Բաշքենդի բերդից հարավ, Բյուլբյուլ-Օլան գյուղից հյուսիս, մոտ մի մղոնաչափ հեռավորության վրա, երկու վտակների միջև ընկած ավերակ գյուղատեղում, որը կոչվել է Քյուլասար կամ Քյուլյուպինա⁴, Գ. Հովսեփյանը ևս հնարավոր է համարել, որ Գլաձորը գտնված լինի «Պաշթյանդ գյուղի հյուսիս-արևելյան կողմը մի ձորագոգի մեջ, Քյուլասպինա կոչված գոմանոցից փոքր-ինչ դեպի արևելք...»⁵: Ալիշանին և Հովսեփյանին, ինչպես երևում է, թյուրիմացության մեջ ձգողը եղել են դպրոցի «Գլաձոր» և «Աղբերց վանք» անունները: Տեղադրությունը որոշելու համար նրանց մեկնակետն է եղել՝ ընտրել այնպիսի մի վայր, որտեղ անպայման լինեն ձոր և աղբյուրներ, որպեսզի արդարանա «Գալլի ձոր» և «Աղբերց վանք» անունների գործածությունը: Այդ որոշակի երևում է Հովսեփյանի «Աղբերց վանք» անվանը տված հետևյալ հիմնավորումից. «Գլաձորի թերակղզու հարավային և հյուսիսային կողմերից աղբյուրներ են բխում, ուստի երբեմն Աղբերց վանք ևս կոչվել է»⁶:

Իրականում, Գլաձորի համալսարանը ձորում չի գտնվել, այլ բարձրագիր մի վայրում: Այդ երևում է Գլաձորի գրիչ Գրիգորի 1335 թ. գրած հիշատակարանից. «Գրեցաւ ...ի նահանգիս Սիւնեաց, ի գաւառիս Վայոցձոր, քաղաքադիտակ մենաստանիս Գլաձոր»⁷:

Ալիշանի և Հովսեփյանի մատնացույց արած վայրը փոքրիկ գոգավորություն է, ուր խզճուկ մի մատուռից ու ոչինչ չասող երկու արձանագրություններից բացի այլ հնություն գոյություն չունի: Ըստ որում, այդ մատուռն այնքան փոքր է, որ չորս-հինգ հոգի հազիվ կարող է տեղավորել: Հայտնի է, որ Գլաձորի համալսարանը բավական խոշոր ուսումնական հաստատություն է եղել, այնտեղ հարյուրավոր ուսանողներ են սովորել, դեռ չենք խոսում մեծ թիվ կազմող ուսուցիչների, միաբանների և սպասարկող կազմի մասին: Այդքան մարդկանց համար, բնական է, պետք է որ լինեն վանք-աղոթարան, դպրոց, մատենադարան և հարակից շենքերի համալիր, իսկ իրականում դրանցից ոչ մեկի հետքն անգամ չկա այնտեղ:

Ի դեպ, Գ. Հովսեփյանն իր նախկին ասածից 45 տարի հետո կրկին անդրադարձել է Գլաձորի տեղադրության հարցին և վերանայել իր կարծիքը. «...այն ավերակները, — գրել է նա, — որոնք Գլաձորի մնացորդները պիտի լինեին, չնչին են, նյութի հետ կապ չունեցող և ոչինչ չուսաբանող երկու արձանագրության բեկորներով ...Եղեգնից շինված է հասարակ քարով. շրջա-

4 Ղ. Ալիշան, Սիսական, Վենետիկ, 1893, էջ 130:

5 Գ. Հովսեփյան, Մխիթար Սասնեցի, Վաղարշապատ, 1899, էջ 9:

6 Նույն տեղում, էջ 10:

7 Մաշտոցի անվ. Մատենադարան, ձեռ. № 1141, էջ 331ա (տե՛ս «ԺՂ դարի հայերեն ձեռագրերի հիշատակարաններ», կազմեց Լ. Ս. Խաչիկյան, Երևան, 1950, էջ 272): Այստեղ և հետագայում կատարված բոլոր ընդգծումները մերն են:

պատում էլ չկան ընդարձակ ավերակներ, ինչպես ենթադրել կարելի էր վանքի մեծ հուշակից»⁸։

Աղագրագետ Ե. Լալայանը, ուսումնասիրելով Դարալագյազի հնավայրերը և Գլաձորի մասին եղած մատենագրությունը, որոշակի եկել է այն հետևություն, որ Թանահատը Գլաձորն է։ Նա Գլաձորի տեղագրության մասին գրել է. «Ս. Խաչ վանքի արևելյան կողմը, մոտ երկու վերստ հեռու, Մալիշկա գետակի երկրորդ վտակի ձախ ափին գտնվում է Ղարավանք (Սև վանք) գյուղը, որ յուր անունը ստացել է մոտի տափարակ բլրակի վրա սև քարերով շինված վանքից։ Այս, թուրքերի կողմից Ղալա-վանք կոչված մենաստանը ժ.Պ դարում շինված Թանահատի վանքն է, ուր ամփոփված է 735 թ. Մոզում նահատակված Ստեփանոս եպիսկոպոսի մարմինը»⁹։

Լալայանի այս կարծիքը պաշտպանել է արվեստագետ Ա. Ավետիսյանը։ Մատնացույց անելով Գլաձորի տեղագրության մասին աշխարհագրական որոշ տեղեկություններ, նա ևս եզրակացրել է. «Այսպիսով, կարելի է ասել, որ այժմ մեզ հայտնի Թանատի վանքը XIII—XIV դարերում, համալսարանի ղոյություն ժամանակաշրջանում (նաև հետագայում) հայտնի է եղել Գլաձոր կամ Աղբերց վանք անունով»¹⁰։

Հայտնի է, որ միջին դարերում բոլոր դպրոցները, լինեն նրանք տարրական, միջնակարգ թե բարձրագույն, հիմնված են եղել և գործել են վանքերին և կամ այլ կրոնական հաստատություններին կից։ Այդպես է եղել միջնադարում աշխարհի բոլոր ժողովուրդների մոտ, այդպես է եղել նաև հայ իրականության մեջ։ Գլաձորը, իհարկե, բացառություն չի կազմել։ Արդարություն դեմ մեղանշում են այն ուսումնասիրողները, որոնք փորձում են Գլաձորը դիտել իբրև անկախ, վանական ենթակայությունից դուրս գտնվող հաստատություն։

Արդ, եթե Գլաձորը ինքնուրույն ուսումնական հաստատություն չի եղել, այդ դեպքում անհրաժեշտ է պարզել, թե ո՞ր վանքի կամ մենաստանի հովանավորության տակ է գտնվել։ Բարեբախտաբար, Գլաձորի համալսարանում գրված և մեզ հասած ձեռագրերի մեծ մասում որոշակի նշվում է, որ Գլաձորի համալսարանը գտնվել է Թանահատի կամ Թանատի Ս. Ստեփանոս վանքի հովանավորության ներքո։ Բերենք Գլաձորի մի քանի գրիչների վկայությունները։ Մկրտիչ գրիչը 1298 թ. Գլաձորում գրած ձեռագրի հիշատակարանում հայտնում է. «[Յիշեսցիք] եւ զեղկելիս, Զվերագծող այսմ տառիս, ի մենաստանս Գլաձորիս, Ընդ հովհաննաւ սուրբ Ստեփանոսիս, Զեռամբ անարժան Մկրտչիս...»¹¹։ Պողոս գրիչը 1313 թ. Գլաձորում ավետարան է ընդօրինակել և իր թողած հիշատակարանում գրում է. «Արդ ես՝ տկարս... Պաւղոս վարդապետ, ծրեցի իմով տկարութեամբ սուրբ աւետարանս յովով աշխատանաւք և քրտնաջան տառապանաւք, ի գաւառիս, որ Վայոձոր ասի, և ի մեծ մենաստանիս, որ Գլաձոր յորջորջի, ի դրան սուրբ Ստեփանոս նախավկայիս»¹²։ 1321 թ. Գլաձորում գրված մի ձեռագրի (որն այժմ Բրիտանական թանգարանում է)

⁸ Գ. Հովսեփյան, Խաղբակյանք..., մասն Բ, էջ 189—190։

⁹ Ե. Լալայան, Շարուր-Դարալագյազի գավառ («Աղագրական հանդես», գիրք XII, էջ 267)։

¹⁰ Ա. Ն. Ավետիսյան, Գլաձորի համալսարանի տեղագրության մասին («Պատմա-քննադատական հանդես», 1970, № 1, էջ 159)։

¹¹ Մաշտոցի անվ. Մատենադարան, ձեռ. № 1409, էջ 261ր։

¹² «Ժ.Պ դարի հայերեն ձեռագրերի հիշատակարաններ», էջ 92։

նի սեփականություն է) հիշատակարանում ասվում է, որ այն գրված է «...ի հռչակատր և սուրբ մենաստան համալսարանիս Գլաձորոյ ընդ հովանեաւ սուրբ Ստեփանոսի»¹³: Վերոբերյալ հիշատակարանները, կարծում ենք, ոչ մի կասկած չեն թողնում, որ Գլաձորի համալսարանը ենթարկվել է Ս. Ստեփանոսի վանքին:

Վալոց ձորում միակ վանքը, որն ունեցել է Ս. Ստեփանոս Նախավկայի անունը, Թանահատի վանքն է: Ծիշտ է, Վալոց ձորի Այնազուր գյուղի մոտ, Վերին Ույգուր ավերակ գյուղում ևս գտնվել է Ստեփանոսի անունով մի սրբավայր, սակայն դա եղել է ոչ թե վանք, այլ եկեղեցի և գտնվել է ոչ թե Պոռչյան իշխանների տիրույթում, այլ՝ Օրբելյանների: Ստեփանոս անունով մի այլ հուշարձան ևս գտնվում է Ազիզբեկովի շրջանի Ազադեկ գյուղում, սակայն սա ևս եկեղեցի է և կառուցված է ուշ շրջանում՝ XVII դարի երկրորդ կեսում:

Այսպիսով, գրիչների վկայություններից հետևում է, որ Գլաձորի համալսարանը գտնվել է Թանահատի Ս. Ստեփանոս վանքի հովանավորության տակ: Թանահատը կամ Թանատը Հայաստանի վաղ քրիստոնեական հնագույն հուշարձաններից մեկն է: Ղ. Ալիշանը, հիմնվելով Ստեփանոս Օրբելյանի հաղորդած մի տեղեկության վրա, գտնում է, որ այդ հուշարձանը սյունեցիները կառուցել են II դարում, քրիստոնեությունը Հայաստանում պաշտոնական կրոն ճանաչվելուց առաջ: Վաղ քրիստոնեական շրջանում այն վանք-մենաստան էր, ուր հաստատված է եղել խստակրոն միաբանություն, որը Ալիշանի ասելով, «...կերակրի համար ոչ միայն մսեղեն է և կթեղեն է հրաժարելով՝ այլև ամենայն տաք բան է, և թանիկն անգամ թողնվ. անոր համար կոշուեցան Թանահատ և տեղն՝ Թանահատի վանք»¹⁴:

Հայաստանում Թանահատ կամ Թանատ անունով երկու հուշարձան է գոյություն ունեցել, մեկը Վալոց ձորում, իսկ մյուսը՝ Սյունիքի Մղուկ գավառում: Անցյալում պատմագիտական գրականության մեջ այս երկու Թանահատները շփոթել են իրար հետ: Վերջերս միայն հայտնի դարձան Մղուկի Թանահատի ավերակները¹⁵: Ալիշանն այս երկու հուշարձանների անունները տարբերակում է. առաջինն անվանում է Թանահատի վանք, իսկ երկրորդը՝ Թանատի: Նա հնարավոր է համարում, որ այս երկու վանքերն էլ հեթանոսական մեհյաններ եղած լինեն՝ նվիրված Անահիտ դիցուհուն:

Ըստ Ստեփանոս Օրբելյանի տեղեկության, 735 թ. Թանահատի վանքից ոչ հեռու, Մոզ ավանում սպանվում է հայ մատենագրության ականավոր գործիչ Ստեփանոս իմաստասեր Սյունեցին: Նրան թաղում են Թանահատին մոտիկ Արկաղան գյուղում, իսկ ավելի ուշ՝ 1274—1279 թթ., երբ կառուցում են Ս. Ստեփանոսի գմբեթահարկ հոյակապ տաճարը, Ստեփանոս Սյունեցու աճյունը տեղափոխում և վերաթաղում են այնտեղ: Սյունյաց պատմիչն այդ մասին հաղորդում է. «... յ1728 թուականին (1279) շինեցին բնակիչք տեղոյն եկեղեցի գմբեթայարկ գեղեցիկ յօրինուածովք. և եղին զտապան սրբոյն ի հիմն նորա...»¹⁶:

¹³ Նույն տեղում, էջ 261:

¹⁴ Ղ. Ալիշան, Ստեփանոս Սյունեցի և Սահականդուխտ, «Յուշիկը հայրենեաց», Վենետիկ, 1869, էջ 287—288:

¹⁵ Ս. Բարսեղյան, Հինգերորդ դարի երկու հուշարձան Սյունիքում («Տեղեկագիր Պատմության և դրականության ինստիտուտի», 1936, № 1),

¹⁶ Ստեփանոս Օրբելյան, էջ 143:

Թանահատի վանքին կից կա «Սուրբ նշան» անունով կիսավեր մի մատուռ: Թանահատի մի քանի արձանագրութլունների մեջ նվիրատունելը Սուրբ Ստեփանոսի հետ հիշում են նաև «Սուրբ նշանը»: Դլաձորում գրված ձեռագրերում նույնպես Սուրբ Ստեփանոսի վանքի հետ միասին հիշվում է նաև «Սուրբ նշանը», որն անհերքելիորեն ապացուցում է Դլաձորի՝ Թանահատի հովանավորութլան տակ գտնվելը:

Բերենք այդ տեղեկութլունները զուգահեռ ձևով.

Դլաձորում գրված ձեռագրերի
հիշատակադաններում

Թանահատի վանքի
արձանագրութլուններում

«և եղև կատարումն այս տառիս
ի թուականութեանս էձկէ (1318) ...ի
հրեշտակարնակ մենաստանս, որ կոչի
Դլաձոր... ընդ հովհաննաւ սուրբ Ստեփանոսի և կենսակիր աստուածաբարձ Ս. Նշանիս»:

(Նոր Զուղայի ձեռ. ցուցակ, հ. II,
էջ 177):

«Գրեցաւ մատենս այս ի թվիս 22
(1321) ի գաւառիս Վայոձոր ի մենաստանս
Դլաձոր ընդ հովհաննաւ սուրբ Ստեփանոսիս
և այլ աստուածընկալ սուրբ Նշանիս»:

(Երուսաղեմ, հ. V, էջ 71—73):

«Կաման Աստուծոյ ես Ասլան Ափայս
և իմ որդիքս միաբանեացաք սուրբ
Ստեփանոսիս եւ սուրբ Նշանիս եւ տուաք
ձ (100) դեկան»:

(Բարխուդարյան, էջ 79):

«Կաման Աստուծոյ ես Սիմիանս տվի
ղմեր հայրենի իգին... սուրբ Ստեփանոսիս
[ս] եւ սուրբ Նշանիս...»:

(Բարխուդարյան, էջ 76):

Մտածել, թե Վայոց ձորում գոյութլուն է ունեցել Սուրբ Ստեփանոս անունով երկու վանք և նրանց յուրաքանչյուրին կից երկու Սուրբ Նշան անունով մատուռ, կլինի անհեթեթութլուն:

Պատմական գրականութլան մեջ տարակուսանքի տեղիք է տվել այն փաստը, թե ինչո՞ւ Ստեփանոս Օրբելյանի մոտ բացակայում են «Դլաձոր» և «Աղբերց վանք» անունները. Ստեփանոս Օրբելյանն իր «Պատմութիւն նահանգին Սիսական» աշխատութլան 64-րդ գլխում թվարկում է Սյունիքի կարևոր վանքերն ու ուխտատեղիները և նրանց մեջ այդ անունները չկան: Ալիշանն այդ բացթողումը փորձել է բացատրել նրանով, որ համալսարանը «թերևս նոր էր հաստատել»¹⁷: Ղ. Ինճիճյանն այդ բացթողմանը երկու հնարավոր լուծում է առաջարկել. կամ Դլաձորը Օրբելյանի օգտագործած հորածորն է և կամ Օրբելյանը չի ցանկացել ծանրաբեռնել վանքի անունները և բաց է թողել: Լ. Խաչերյանը կարծում է, որ այդ անունները նախապես դրված են եղել, բայց Օրբելյանի բնագիրն աւտագրող գրիչների ուշադրութլունից վրիպել և դուրս են ընկել: Մենք գտնում ենք, որ այդ անունները Օրբելյանի մոտ չեն եղել և չպիտի լինեին: Օրբելյանի խնդիրն է եղել ներկայացնել ոչ թե Սյունիքում գտնված մշակութլային կենտրոնները, այլ միայն վանքերը և ուխտատեղիները, այդ նկատառումով էլ նա իր աշխատութլան այդ գլխիւր վերնագրել է «Վանորայք ու ուխտք եկեղեցեաց՝ թէ քանի՜ էին յայսմ աշխարհի»¹⁸: Դլաձորը ուսումնական հաստատութլուն էր վանքի հովանավորութլան տակ, իսկ վանքը Թանահատն է և հիշված է Ս. Օրբելյանի մոտ. «Թանատէի վանք, յորում կայ նշխարք սրբոյն Ստեփաննոսի»¹⁷:

17 Ստեփանոս Օրբելյան, էջ 340:

Ուսումնասիրողներից ոմանց կասկածի տեղիք է տվել նաև այն փաստը, թե ինչո՞ւ Թանահատի տաճարի վրա եղած տասնյակ վիմագիր արձանագրություններից ոչ մեկի մեջ չի նշվում Գլաձոր անունը: Այդ տարակուսանքը դուրիս է փարատել, եթե նկատի ունենանք, որ Գլաձորը, ինչպես ասել ենք, մենաստանի ոչ թե անունն է, այլ՝ մականունը: Այդ որոշակի երևում է Գլաձորի գրիչների հիշատակարաններից: Հովհաննես Կրոնավորը 1291 թ.

Եւ թիւ : շիւ : Գրեցաւ
 Մեկուսի կաթողիկէիս
 Հեռաւոր քաւմաւել և սոս
 աւանէս կրեւան արի յոհաւ
 իսի աշխէ Երեմիայիս Ի վրաս
 տաւա որ կոչի աշխէր յաւան
 և մականունն զւս հոր լեւոհոյ
 աւետաւ սրբայնատաւնիս Ի վր
 յիս պետի Թիս Գիտնաւան
 և արդիւնական ձեռնաւոր
 րի լեւա և զոր լեւոր հետեւ
 աւելոր լեւոր Երեմիայիս և
 Լորդ աշխէ Եւ զամեն իս
 րք հաւ գիտիք այսմ մատե
 ի Նրա թիւ իւրեւ իւրեւ ի

Սի էջ Հովհաննես գրիչ 1291 թ. ձեռագրից
 (Վենետիկ):

վանքի արձանագրությունները գրող միաբանները սրբավայրի արձանագրություններում Սուրբ Ստեփանոսի անունը չէին կարող փոխարինել «գնչու մարդկանց» կողմից գործածվող Գայլի ձոր անունով: Բացի այդ, նվիրատուները ևս այդ չէին ուզենա, որովհետև նվերները նրանք տվել են վանքին:

Գլաձորի տեղագրությունը պարզելու նպատակով Երևանի պետական համալսարանի հնագիտության, աղբյուրագիտության և ազգագրության ամբիոնը 1970—1971 թթ. Թանահատում պեղումներ ձեռնարկեց: Պեղումների ընթացքում հայտնաբերվեցին ընդարձակ շենքեր, ուսուցիչների և ուսանողների տապանաքարեր և դպրոցի հետ առնչվող այլ ցուցանիշներ, որոնք եկան հաստատելու մատենագրական տեղեկությունների հավաստիությունը: Պարզվեց, որ Գլաձորի դպրոցը, իրոք, գտնվել է Թանահատում և գործել է նրա հովանավորության ներքո: Գիտական արշավի ղեկավար Ի. Ղարիբջանը իր հրատարակած հաղորդման մեջ Գլաձորի տեղագրության վերաբերյալ

ընդօրինակած «Մեկնութիւն կաթողիկէ» աշխատության հիշատակարանում նշել է. «Գրեցաւ... ի մենաստանիս որ կոչի Աղբերց վանս և մականունն Գլաձոր, ընդ հովհաննես սրբոյն Ստեփանոսի»¹⁸: Մաշտոցի անվան Մատենադարանի N° 7842 ձեռագրի Պողոս գրիչը 1313 թ. ընդօրինակած ձեռագրի հիշատակարանում գրել է. «...Սրեցի իմով տկարութեամբ զսուրբ աւետարանս յոլով աշխատանաբ և քրտնաջան տառապանաբ, ի գաւառիս, որ Վայոձոր ասի, և ի մեծ մենաստանիս, որ Գլաձոր յորջոջի, ի դրան սուրբ Նախավկայիս»¹⁹: Գրիգոր գրիչը 1335 թ. իր ձեռագրի հիշատակարանում նշել է, որ ինքը ձեռագիրն ընդօրինակել է «Ի նահանգիս Սիւնեաց, ի գաւառիս Վայոձոր, բարձրադիրտակ մենաստանիս Գլաձոր, որ յանհմուտ և գնչու արանց Գայլաձոր ասի»²⁰: Ըստ այսմ, Գլաձոր անունը վանքի բուն անունը չէ, այն գործ են ածում անժանոթ և գնչու մարդիկ: Կարծում ենք հարկ չկա ապացուցելու, թե ինչո՞ւ

¹⁸ «Էջմիածին», 1956, № 4—5, էջ 86:

¹⁹ «ԺԴ դարի հայերեն ձեռագրերի հիշատակարաններ», էջ 92:

²⁰ Նույն տեղում, էջ 272:

եկել է հետևյալ եզրակացության. «Այս բոլորը (խոսքը հայտնաբերված արձանագրությունների, ցուցանյութերի և համալիրների մասին է—Ա. Ա.) մեզ իրավունք է տալիս ասելու, որ գտնվել են Գլաձորի համալսարանի ավերակները, և որ համալսարանի շենքը մտել է Թանահատի եկեղեցական համալիրի մեջ»²¹:

Պեղումներից հետո, երբ վերջնականապես պարզվեց, թե որտեղ է գտնվել Գլաձորի համալսարանը և որ վանքին կից է գործել, Լ. Խաչերյանը հանդես եկավ առարկություն, թե համալսարանը գտնվել է ոչ թե Ս. Ստեփանոս վանքի հովանավորության տակ, այլ «Աղբերց վանքի»։ «Հայագիտական գրականության մեջ,— գրել է նա,— թյուր կարծիք է հայտնված այն մասին, թե իբր Աղբերց վանքը, իր հերթին, հենց նույն Թանահատի կամ Թանատի վանքն է... Թանահատի վանքն ու Աղբերց վանքը (հետագայում՝ Գլաձորը) գուգահեռ կերպով հարատևել են՝ մատենագրության մեջ թողնելով դոյատևման արձանագրությունները»։ Նրա կարծիքով, Թանահատն սկզբնաղբյուրներում հիշվում է «իբրև կրոնական միաբանություն, հոգևոր կենտրոն», իսկ Աղբերց վանքը, հետագայի Գլաձորը՝ «բացառապես իբրև ուսումնագիտական կենտրոն»²²։ Խաչերյանի այս տեսակետը քննադատվեց պատմական գիտությունների թեկնածու Փ. Անթաթյանի²³ և բանասիրական գիտությունների թեկնածու էմ. Պիվադյանի²⁴ կողմից։ Յուրյց տալու համար, որ նա սխալվում է, ավելորդ չենք համարում բերել Հովհաննես գրչի 1291 թ. Գլաձորում ընթերցանած ձեռագրի հիշատակարանից մի հատված, որը վերաբերում է գրչության վայրին. «Ի թւիս Զե (1291) գրեցաւ մեկնութիւնս կաթողիկէիս ձեռամբ բազմամեղ և սուտանուն կրանաւորի Յոհանիսի աշակերտ բանի, ի մենաստանս որ կոչի Աղբերց վանս, և մականուն Գլաձոր քնդ հովանեաւ սրբոյն Ստեփանոսի»²⁵:

Հիշատակագիրը, կարծում ենք, փակում է կասկածանքի բոլոր ճանապարհները. ձեռագիրը գրվել է Աղբերց վանքում, որի մականունը Գլաձոր է, իսկ վանքի իսկական անունը՝ Ս. Ստեփանոս։ Հարկ կա՞ ապացուցելու, թե Աղբերց վանք ասելով նկատի են ունեցել Ս. Ստեփանոսի վանքը, որի հովանավորության տակ գրվել է ձեռագիրը։ Ըստ եկեղեցական կանոնների «Աղբերց» (աղբյուրների) անունը սրբավայրի վրա դրվել չէր կարող. այդ անունը ժողովրդի սովորական ստեղծագործություն է, հավանաբար նկատի է առնվել աղբյուրների մոտ գտնվելը։ Անհավանական չէ նաև, որ «Աղբերց» ասելով գրիչները նկատի ունեցած լինեն վանականների եղբայրությունը՝ «եղբարց» իմաստով։ Բոլոր դեպքերում, վանքի ճիշտ անունը եղել է «Սուրբ Ստեփանոս»:

Ի՞նչ նշանակություն է գործածվել «Գայլի ձոր» անունը՝ վանքի՞, թե՞ վայրի։ Խաչերյանի կարծիքով այն գործ է ածվել վանքի համար. սկզբում Գլաձոր է կոչվել Տարոնի Առաքելոց վանքը, հետագայում այնտեղի ուսումն-

21 Բ. Ղառիբյան, Գլաձորի համալսարանի հնագիտական պեղումները («Բանբեր Երևանի համալսարանի», 1971, № 2, էջ 260):

22 Լ. Խաչերյան, Գլաձորի համալսարանը, Երևան, 1973, էջ 15:

23 Փ. Անթաթյան, Արդյոք հայ առաջին համալսարանը Գլաձորն է («Բանբեր Երևանի համալսարանի», 1974, № 2, էջ 203—204):

24 Էմ. Պիվադյան, Դարձյալ Գլաձորի դպրոցի համալսարանական բնույթը («Բանբեր Երևանի համալսարանի», 1975, № 3, էջ 167—168):

25 Ղ. Ալիշան, Սիսական, էջ 131:

նականները Տարոնից գալով Վայոց ձոր, այդ անունը բերել դրել են Աղբերց վանքի վրա: Այդ մասին նա գրել է. «Աղբերց վանքի Դավաթոր վերանվանումը իմաստավորված է Մշո Առաքելոց վանքի երկրորդաբար «Գլաձոր» կիրառվող անվան փոխառությամբ. նրա հիմնադիրները լինելով մշեցիներ կամ սասունցիներ, որոնք իրենց նախնական կրթությունը ստացել են Առաքելոց վանքում, ի փառավորումն նրան, Աղբերց վանքը վերակոչում են Գլաձոր»²⁶:

Որ Գլաձոր անունը տեղում գործածվող վայրի կամ հանգի անուն է, այդ անվիճելի երևում է Մխիթար Երզնկացու 1314 թ. Գլաձորում գրած ձեռագրի հիշատակարանում գրչության վայրի մասին հայտնած տեղեկությունից. «Բայց գրեցաւ գիրքս այս առ ոտս մեծ վարդապետիս Ծալեայ, ի տեղիս, որ կոչի Գլաձոր, ընդ հովանեաւ սուրբ Ստեփանոսիս»²⁷:

«Գլաձորը» այստեղ գործ էածված ոչ թե իբրև վանքի անուն, ալ ալն վայրի, ուր գտնվել է վանքը՝ «Ի տեղիս, որ կոչի Գլաձոր»: Այս իմաստով է Գլաձոր անունը գործածված բոլոր հիշատակարաններում. «Գլաձորի վանք» ասելով նկատի ունեն տվյալ վայրում գտնված վանքը, «Գլաձորի վարժարան» ասելով՝ Գլաձոր վայրի դպրոցը և այլն:

Հնագիտական պեղումների ժամանակ բացվել է նաև բազիլիկ մի հին մոզայիկ եկեղեցի: Ի. Ղարիբջանը այս հուշարձանի մասին իր հաշվետվության մեջ հետևյալ տեղեկությունն է հաղորդում. «Թանահատի զլխավոր եկեղեցու հարավային կողմում բացվեց տարբեր ժամանակներում կառուցված բազմապիսի շենքերի մի ամբողջական համալիր, ընդ որում՝ բազիլիկ ոճի ճարտարապետական մի եկեղեցի, կից հինգ առանձին աշխատանքային խցերով... բազիլիկ եկեղեցին հնագույն կառույց է այստեղ, որը նախնական ձևով բաղկացած է եղել քառանկյունի երկարով սրահից՝ կառուցված ստիլոբադի վրա: Նա հարավային ու հյուսիսային կողմերում ունի մեկական ավանդատուն: Թե՛ սրահը և թե՛ ավանդատները ունեն իրենց բեմերը և վեմքարերը, որոնք տեղում պահպանվել են»²⁸: Ղարիբջանի կարծիքով բազիլիկ այդ եկեղեցին կառուցված պիտի լինի V—VII դդ.: «Հայտնի է, — գրում է նա, — որ Հայաստանում բազիլիկ եկեղեցիները կգմինդրե ծածկելով կառուցվել են V—VII դդ.: Ուստի այս բազիլիկ եկեղեցին պետք է թվագրել այդ դարերով... Պեղումների շնորհիվ պարզվեց նաև, որ սույն եկեղեցին ավարտվել է XI—XII դդ., իսկ 1215 թ. վերակառուցվել»²⁹: Ղարիբջանը գտնում է, որ Գլաձորում կողք-կողքի գոյություն են ունեցել երեք վանք. «Պեղումների հետևանքով պարզվեց, — գրել է նա, — որ Թանահատի համալիրի մեջ առնվազն երեք հուշարձան է մտել, և յուրաքանչյուրն ունեցել է իր ուրույն անունը: Պրանցից երկուսը արձանագրություններում հիշված են (Ս. Ստեփանոս և Ս. Նշան), իսկ երրորդը՝ ոչ»³⁰: Հավանաբար երրորդը եղած լինի Ս. Կարապետի բազիլիկ եկեղեցին:

Մշտոցի անվան Մատենադարանի № 206 ձեռագրի ծաղկող Թորոսը 439թ. էջում նկարել է համալսարանի ուսուցչապետ Ծալի Նչեցուն և նրանից վերև՝ Կողք-Կողքի երեք վանքերի գմբեթները: Ա. Ավետիսյանը նկարի կապակցությամբ այն կարծիքն է հայտնել, որ այդ գմբեթները ցուցանշում են

26 Լ. Խաչերյան, Նշվ. աշխ., էջ 49:

27 «ԺԴ դարի հայերեն ձեռագրերի հիշատակարաններ», էջ 103:

28 Ի. Ղարիբջան, Նշվ. աշխ., էջ 253:

29 Ծալի տեղում:

30 Նույն տեղում, էջ 257:

տեղում գոյություն ունեցած երեք վանքերը: «Եսայի Նչեցու Աստվածաշնչի մեջ,— գրել է նա,— հատուկ հետաքրքրություն են ներկայացնում 439թ և 440ա էջերի խորանները (նկ. 26, 27): Առաջինում, վերին ձախ անկյունում, նստած դիրքով պատկերված է ձեռագրի պատվիրատու Եսայի Նչեցին, որի գլխավերևում կարդում ենք. «Եսայի վրդ» («Եսայի վարդապետ»): Մակա-յրություն վերևում երեք զմբեթ կա, որ արտահայտում է Թանահատ-Գլաձորի վանքում երեք եկեղեցու գոյության միտքը»³¹: Եթե Ավետիսյանի այդ կարծիքը ընդունելի համարվի, այդ դեպքում նկարված զմբեթներից մեջտեղինը, որն ամենից մեծն է, պիտի համարել Թանահատի վանքը, աջ կողմում զտընվածը՝ Ս. Նշանի մատուռը, իսկ ձախում՝ խոնարհված Ս. Կարապետի վանքը:

Այս երեք հուշարձաններից բացի տեղեկություններ կան Ներսես Մշեցու դամբարանի մասին: Հակոբ Թագորցի գրիչը Թանահատում հիշում է նաև Ներսես Մշեցու դամբարանը: Այդ մասին Ղ. Ալիշանը գրում է. «Նոյն գրիչ (այսինքն՝ Հակոբ Թագորցին—Ա. Ա.) իբրև սրբազան իմն յիշէ և «գրամբարան սրբոյն վարդապետին Ներսէսի»³²: Ի՞նչպես հասկանալ այս տեղեկությունը. Թանահատում Ներսես Մշեցու համար առանձին դամբարան է կառուցված եղել, թե՞ նրան թաղել են Ս. Նշանում, և գրչի խոսքը Ս. Նշանի մասին է: Ղարիբյանը հավանական է համարում երկրորդը: Այդ մասին նա գրել է. «Մենք գտնում ենք, որ Ներսեսը թաղված է Թանահատի համալիրում, մասնավորապես Ս. Նշան մատուռում, որը մեր ենթադրությամբ կառուցվել է հենց այդ նպատակով»³³: Այդ մատուռում, իրոք, կա մի գերեզման: Այն մասին, որ Ներսես Մշեցին մահացել է Գլաձորում և թաղվել այնտեղ, կասկած չի նշել չի կարող. այդ վկայող մի քանի հիշատակություններ կան: «Շարադրութիւն վարդապետաց ի Գօշայ հետէ ոտիւ շափեալ» շափածո հիշատակարանում, ուր թվարկված են 35 հեղինակներ, Ներսես Մշեցուն նվիրված քառատողի մեջ նշվում է.

Բաբուն Ներսէս Տարօն Մշաց,
Գիտէր ղլեղու և զժամ յունաց,
Ի փետրվարի վեցըն գրաց
Ի Գլաձոր նայ կայ թաղած³⁴:

Պեղումների ժամանակ բազմաթիվ եկեղեցու հյուսիս-արևելյան խորանի բեմի առջևում բացվել է մի տապանաքար առանց մակագրության: Ղարիբյանը հնարավոր է համարում, որ այդ լինի Եսայի Նչեցու գերեզմանը, որը մահացել է 1338 թվականին³⁵:

Եվ այսպես, վանքի տեղադրության հարցի քննությունը մեզ բերում է հետևյալ եզրակացության.

1. Թանահատի կամ Ս. Ստեփանոսի վանքը, որի հովանավորության տակ գտնվել է Գլաձորի համալսարանը, հեթանոսական շրջանում եղել է մեհյան, իսկ վաղ քրիստոնեական ժամանակներում վեր է ածվել խոտակրոն հոգևորականների մենաստանի:

31 Ա. Ավետիսյան, Մանրանկարչության Գլաձորի դպրոցը, Երևան, 1971, էջ 97:

32 Ղ. Ալիշան, Սիսական, էջ 135:

33 Ի. Ղարիբյան, նշվ. աշխ., էջ 258:

34 Ա. Սուրմեյան, Մայր ցուցակ հայերեն ձեռագրաց երուսաղեմի Ս. Հակոբյանց վանքի, Վենետիկ, 1948, էջ 178:

35 Ի. Ղարիբյան, նշվ. աշխ., էջ 258:

2. Ներկայումս կանգուն Ս. Ստեփանոսի տաճարը կառուցվել է 1275—1279 թթ.։ Նորակառույց այդ տաճարում է վերաթաղվել Ստեփանոս Իմաստասեր Սյունեցին։ Տաճարը կրել է Ստեփանոս Նախավկայի անունը։ Տաճարը ժողովրդի լայն շրջաններում անվանվել է Գլաձորի (Գայլի ձորի) և կամ Աղբերց վանք։ Գլաձորի համալսարանում գրված հնագույն ձեռագրերում գործածվել են Թանահատ և Աղբերց վանք անունները, իսկ հետո՝ Գլաձոր։

3. Գլաձորում կատարված պեղումները վերջնականապես ճշտել են Գլաձորի համալսարանի տեղը և նրա համալիր կառույցները։

* * *

Ե՞րբ է հիմնադրվել Գլաձորի համալսարանը։ Պատմական սկզբնաղբյուրներում այդ մասին տեղեկություններ չկան։ Իրավացի է Ղ. Ալիշանը, երբ դժգոհում է սկզբնաղբյուրների ժլատության համար։ «Ոչ ժամանակ շինութեան վանացս է յայտ և ոչ առաջին և ոչ վերջին դէպք. այլ այն՝ զի լետ կիսոյ ժԳ դարու ցկէս ժԴ-ին հռչակեալ էր...»³⁶։ Նույն դժգոհությունը հայտնել է նաև բանասեր Գ. Հովսեփյանը. «Պոռչյանց տոհմի պարծանքը՝ հոգևորքաղաքակրթական կյանքի զարգացման նկատմամբ՝ Գլաձորի դպրոցն է,— գրել է նա.— այս վանքի պատմությունը տարօրինակ սկիզբ և վախճան ունի. անհայտությունից հանկարծ երևան է գալիս ժԳ դարի ութսունական թվականի սկզբում իբրև Արևելյան Հայաստանի մտավոր կենտրոնը, և հանկարծ չբանում անհայտության մեջ ժԴ դարի կեսին»³⁷։

Գլաձորի համալսարանի հիմնադրության տարեթվի պարզաբանման հարցով առաջին անգամ ղեկավար է Գ. Հովսեփյանը։ Նա հարցի լուծման համար ելակետ է ընդունել Ներսես Մշեցու Գլաձոր տեղափոխվելու և ուսուցչապետության պաշտոնը ստանձնելու փաստը, որը, ըստ Հովսեփյանի հայվումների, տեղի է ունեցել 1280 թ.։ Գլաձորը, գրել է նա, առաջին անգամ հիշվում է 1280 թ., «երբ Ներսես Մշեցին հաստատեց այնտեղ յուր վարժապետական աթոռը»³⁸։ Տվյալ տարեթվի համար նա կարևոր փաստարկ է համարել Գլաձորի մատենագրական երախայրիքը՝ Լուսեր գրչի նշանավոր ձեռագիրը. «Գլաձորի գոյության ամենահին տեղեկությունը ստանում ենք մի շատ թանկարժեք ձեռագրից, որ գրված է այնտեղ 1280 թ. ձեռագրի ստացողն է «մեծ հոգևոր Ներսէս», հիշված է նաև «Նուաստ ոգիս Եսայի հետեւող և աշակերտ սուրբ առնն Աստուծոյ Ներսէս վարդապետի»³⁹։

Գլաձորի դպրոցի 1280 թ. հիմնված լինելն ապացուցելու նպատակով Հովսեփյանը մատնացույց է արել նաև Մաշտոցի անվան Մատենադարանի մի ձեռագիրը, որը գրված է «Յամի Զ. երորդի, Ի. երորդի, Թ. երորդի թուականիս Հայոց (1280 թ.)»⁴⁰, որը Հովսեփյանը համարել է «Գլաձորի փառքն ու պատիվը բարձրացնող մի unicum համաշխարհային նշանակությամբ»⁴¹։

Գլաձորի համալսարանի հիմնադրության հարցին միջանկյալ ձևով անդրադարձել է նաև Լ. Խաչիկյանը իր «Գլաձորի համալսարանը և նրա սաների

36 Ղ. Ալիշան, Սիսական, էջ 131։

37 Գ. Հովսեփյան, Խաղրակյանք..., Բ, էջ 189։


38 Նույն տեղում, էջ 191։

39 Նույն տեղում, էջ 202։

40 Նույն տեղում, էջ 203։

41 Այդ ձեռագրի մասին տե՛ս «Արարատ» ամսագիր, 1917, II—III, էջ 193—198։

ավարտական ատենախոսությունները» հողվածում: Սա գրում է. «Գլաձորի Համալսարանի հիմնադրությունը պետք է կապել Ներսես Մշեցու անվան և ղործունեության հետ, որն ընկնում է 1262—1284 թվականների միջև»⁴²: Քանի որ իսաչիկյանը մի այլ կապակցությամբ Ներսեսի Գլաձորի ուսուցչապետությունը սկսելու տարեթիվ է ընդունել 1279—1280 թթ., հետևապես նրա տեսակետը համընկնում է Հովսեփյանի կարծիքի հետ:



Լուսեր գրչի 1280 թ. հիշատակարանը:

Լ. իսաչիկյանը ևս Գլաձորի հիմնադրության թվականն է ընդունում 1280-ը: Հիմք ընդունելով Ներսեսի վարքադրությունը, նա գտնում է, որ Եսայի Նշեցին Ներսես Մշեցու Առաքելոցից հեռանալուց և «...մի տարի Քաջբերունյաց զավառում թափառելուց հետո, մեկնում է Աղբերց վանք-Գլաձոր, իսկ մի այլ ձեռագրից էլ ստուգապես գիտենք, որ Եսայի Նշեցին 1280 թվականին Ներսես Մշեցու հետ միասին գտնվելիս է եղել Աղբերց վանք-Գլաձորում, և այնպեղ նույնիսկ գրչագիր աշխատություն է ընդօրինակել»⁴³:

Հայ մատենագրության մեջ հայտնի է, սակայն, պատմական մի սկզբնաղբյուր, ուր Գլաձորը որպես ճանաչված ուսումնական հաստատություն հիշվում է 1280 թ. առաջ: Այդ «Աշխարհացոյց»-ի մի բնագիր է, որը վերագրվում է Վարդան Արևելցուն: Գլաձորն այնտեղ հիշվում է հետևյալ պարբերության մեջ. «Հայոյ ձոր՝ Եղեգեց ձորն է, ուր կայ կենսաբեր սուրբ նշան, և Գայլոյ ձոր, որ աթոռն է և վարժարան սուրբ վարդապետաց մերոց»⁴⁴: Այստեղ հիշված Ս. նշանը՝ Ս. Ստեփանոսին կից կառուցված մեծ

42 Լ. իսաչիկյան, Գլաձորի Համալսարանը և նրա սաների ավարտական ատենախոսությունները («Պետհամալսարանի գիտաշխատությունների ժողովածու», 1946, հ. 23, էջ 426):

43 Լ. իսաչիկյան, նշվ. աշխ., էջ 31:

44 «Աշխարհացոյց», Վարդան վարդապետի, հրատ. Հ. Պերպերյանի, Բաբիդ, 1960, էջ 150:

ծանոթ մատուռն է, Գալլի ձորը՝ Թանահատին կից «սուրբ վարդապետաց վարժարանը»՝ Մուշի ուսումնականների Գլաձորում հաստատած համալսարանը:

Ֆրանսիացի արևելագետ Ժ. Սեն-Մարտենը, «Աշխարհացոյց»-ի այս տեղեկությունը հիմք ընդունելով, հնարավոր է համարում, որ Վարդան Արևելեցին, իր կյանքի վերջին տարիներին բնակություն հաստատած լինի Գլաձորում⁴⁵: Սեն-Մարտենի այս կարծիքն ընդունելի չէ, որովհետև 1280 թ., երբ հիմնավորվում էր Գլաձորի համալսարանը, Վարդան Արևելեցին, որին նա շփոթում է Վարդան Բարձրբերդցու հետ, ինը տարի առաջ արդեն մահացել էր: Մենք սկզբում այն կարծիքն ունեինք, որ Վարդանի «Աշխարհացոյց»-ում Գլաձորի համալսարանին վերաբերող հատվածն ընդմիջարկություն է ուշ դարերի, սակայն ուսումնասիրելով այդ բնագրի բոլոր ընդօրինակությունները, համոզվեցինք, որ այդ հատվածը ընդմիջարկություն համարել չի կարելի, դատի եկանք այն համոզման, որ «Աշխարհացոյց»-ի հեղինակը պիտի լինի Վարդան Բարձրբերդցին, որը Գլաձորի համալսարանի սաներից է:

Գլաձորի հիմնադրության ժամանակը պարզելու համար կարևոր է Մխիթար Սասնեցու հաղորդած մի տեղեկությունը: Նա եղել է Գլաձորի դպրոցի առաջին ուսանողներից և իր «Պատմութիւն հաւաստի և համառօտ» վերնագրով աշխատության մեջ Գլաձոր գալու և սովորելու մասին հետևյալ տեղեկությունն է հաղորդում: Ինքը փոքր հասակում զրկվելով հորից, որդեգրվում է Անդրեաս անունով իր աղգականի կողմից, որի մոտ և սովորում է: Ստացած կրթությունը բավարար չհամարելով, կամենում է այն կատարելագործել: Իր ուսումնակից երկու ընկերները՝ Ստեփանոսը և Հովհաննեսը, խորհուրդ են տալիս նրան սովորելու գնալ Գլաձոր, ներսև Մշեցու հիմնած դրպրոցում: «Եւ քաջալերեալ ուսումնակցած իւրոց,-- գրում է Սասնեցին,-- որոց անուանքն Ստեփաննոս և Յովհաննէս կոչեցեալ... գնացեալ ի գաւառն կոչեցեալ Վայոցձոր, ի վանսն, որ այժմ կոչի Գլաձոր առ գերակատար և սուրբ վարդապետն Ներսէս և կացեալ անդ ընդ նմա ամս երեք»⁴⁶:

Տվյալ դեպքում մեզ համար կարևոր է այն տեղեկությունը, որ Մխիթար Սասնեցին սովորել է նրա մոտ երեք տարի՝ «ամս երեք»: Ներսես Մշեցին, ինչպես հայտնի է, մահացել է 1284 թ. փետրվարի 6-ին՝ «Հանգեալ ի Քրիստոս Ներսէս վարդապետն ի վանս Գլաձորոյ թվ. հայոց 219 (1284) ի փետրվարի 2(6)»: Եթե Մխիթար Սասնեցին Ներսես Մշեցու մոտ սովորել է երեք տարի, այդ դեպքում, պարզ է, 1280 թ. առաջ ու հետո նրա մոտ լինել չէր կարող, հետևապես այդ հաշվով ևս Գլաձորի գործունեությունը սկսելու տարին պիտի ընգունել 1280 թ.:

Գլաձորի դպրոցի գործունեությունը 1280 թ. սկսելու վերաբերյալ կա մի այլ տեղեկություն ևս: Հայտնի է, որ Ներսես Մշեցին 1279 թ. գտնվել է Տաճրնի Առաքելոց վանքում: Մեզ հասել է մի ձեռագիր, որը գրված է Առաքելոցում այդ թվականին: Այդ ձեռագիրը, սակայն, գրված պիտի լինի 1279 թ. սկզբներին, որովհետև հայտնի է, որ նույն տարում քրդերը հարձակվել են վանքի վրա, և Ներսեսն իր մի աշակերտի հետ հարկադրված է եղել փախչել և թափառել Քաջբերունիքում: Այդ մեզ հայտնի է Ներսես Մշեցու վարդա-

⁴⁵ J. Saint-Martin, Mémoires historiques et géographiques sur l'Arménie, Paris, 1819, p. 466.

⁴⁶ Գ. Ղուկասիյան, Մխիթար Սասնեցի, էջ 28—29:

դրություները: Այնտեղ ասվում է. «Իսկ մեծ վարդապետն հայոց ներսէս, ի հալածմանէ անարէն և ժանդաբարոյ ազգին մարաց, եկեալ ի սուրբ ուխտէն Ղաղարու աշակերտան իրով Եսայա... Եւ եկն ի գաւառն Քաջբերունեաց. ամ մի բովանդակ աստ և անդ շրջագայեալ և վարդապետական քարոզութեամբ ղամենեսեան լուսաւորեալ՝ զկարգաւորս և զաշխարհականս: Եւ տեսեալ զերկիրն Քաջբերունեաց տգիտութեամբ վարանեալ առանց վարդապե-



Արիստոտելի «Սահմանք իմաստասիրութեան» առաջին էջը (Գլաձոր):

տական ուսման... Եւ ինքն գնաց յերկիրն Սինեաց ի սուրբ ուխտն Գլաձորոյ»⁴⁷: Եվ այսպես, ամենաուշը 1279 թ. կեսերից ներսես Մշեցին Եսայի Նշեցու՝ իր աշակերտի հետ հեռացած պիտի լինի Տարոնից և Գլաձորում հաստատված 1280 թ. սկզբներին:

Գլաձորի համալսարանի հիմնադրությունը, մեր կարծիքով, կապված է Թանահատի նորակառույց տաճարի հետ: Հայտնի է, որ նրա կառուցումն սկսվել է 1273 թ.: Այդ նշված է տաճարի զմբեթի թմբուկի հարավային պա-

⁴⁷ «Յայտնություն», 1730, էջ 358:

տուհանի գլխին, դրսից, շորս անջատ տառանիշներով. Թ. Զ. Ի. Բ., որը վերածանվում է. «թ[ուխ] ԶԻԲ: Այդ հայկական մեծ կոշվող թվահաշվով է և ներկա տարեթվով կլինի 1273: Տաճարի կառուցումը, ըստ Օրբելյանի տեղեկության, ավարտվել է 1279-ին՝ «...1278 թուականին շինեցին բնակիչք տեղւոյն եկեղեցի զմբեթայարկ գեղեցիկ յօրինուածովք»⁴⁸: Հետևապես տաճարի կառուցումը սկսվել է 1273-ին և ավարտվել 1279-ին:

Նորակառույց շքեղ վանքի մեկենասները, առանձնապես Պոռշյան իշխանական տունը անշուշտ շահագրգռված պիտի լինեին վանքում ունենալ ձեռնըհաս և հեղինակավոր միաբաններ, իսկ տվյալ ժամանակում ամենից հանրաճանաչը և հեղինակավորը Մուշի Առաքելոց վանքի ուսումնականներն էին. որոնք և գալիս հաստատվում են Գլաձորում: Գ. Հովսեփյանը հավանական է համարել, որ Մուշի ուսումնականներին Գլաձոր հրավիրած լինի Պոռշ իշխանը. «Մեզ համար մութ են դպրոցի ծագման հանգամանքները, — գրել է նա: — Պոռշ մեծ իշխանը՝ «աշխարհաշէն» կոչված Մխիթար Այրիվանցու կողմից, հետամուտ և հովանավոր եկեղեցու և յուր իշխանություն վանքերի ծաղկման, անհավանական չէ, որ ներսես Մշեցին Գլաձորում հաստատվելու նորա ցանկությունը և առաջարկությամբ»⁴⁹:

Այսպիսով, Գլաձորի տեղադրության և հիմնադրության թվականի հետ կապված սկզբնաղբյուրների քննությունը մեզ բերում է այն հետևություն, որ Գլաձորի համալսարանը հիմնվել է 1280 թ.:

* * *

Համալսարանի հիմնադրությունն ընդունելով 1280 թ., չպետք է սակայն կարծել, թե հիմնադրության հենց առաջին տարին դպրոցը մեկնեքարծրացել է միջնադարյան համալսարանի մակարդակի. հարկավոր էր որոշ ժամանակ, որ շրջապատում տարածվեր նրա հռչակը, հայտնի դառնար թե Գլաձորում աչքի ընկնող ուսուցիչներ են դասախոսում, բարձր կրթություն են տալիս այնտեղ, որ Հայաստանի տարբեր վայրերից ուսանողներ հավաքվեին, որ կարողանար Գլաձորը բարձրանալ իրոք պատշաճ ոչ համալսարանական մակարդակի: Հետևապես, ընդունելով համալսարանի հիմնադրությունը 1280 թ., չի կարելի նրա աշխատանքային մեկ-երկու տարիները համարել համալսարանական տարիներ. այդ հաստատող վկայություններ դեռ չունենք:

Գլաձորը, որպես աթենական տիպի բարձրագույն դպրոց, առաջին անգամ հիշվում է միայն 1283—1284 թթ. Գլաձորի սան Մատթեոս Մլճեցու կողմից: Սա Գլաձոր է եկել սովորելու Կիլիկիայից, ձեռագիր է գրել այնտեղ և իր թողած չափածո հիշատակարանում Գլաձորը համարում է «Աթէնք պանծալի»: Անհրաժեշտ ենք համարում բերել Մատթեոս Մլճեցու չափածո հիշատակարանի այդ հատվածը: (Հիշատակարանը վերնագրված է «Գրոցս յիշատակարան և տաղ չափաբերական»):

⁴⁸ Ս տ ե փ ա ն ո ս Օրբելյան, էջ 143:

⁴⁹ Գ. Հովսեփյան, Խաղբակյանք..., մասն Բ, էջ 196:

Ի հայկազեանս տումարի,
 Յիսկահարիւր մերոյս թուի,
 Երեսներորդի և երորդի,
 Որ և ամաւք շրջազայի:
 Զմեր հայկազեան տուն հայրենի,
 Որ բոնացեալ ըզսա ունի,
 Է բարրարոս և ալլազգի,
 Որոյ անուն Ահմատ կոչի:
 Յարբայութեանըն Լեւոնի,
 Որդոյ Հեթմոյ բարեպաշտի,
 Բարերարոյ և հեզահոգի,
 Որ և տիրէ Կիլիկի...
 Մատթէ անուն և եղկելի
 Սուտ բահանայ, տարտամ հոգի,
 Ժահահոտեալ մեղաւր ի լի,

Զոր կամաւորն գործեցի:
 Ի նահանգէ Կալիկեցի
 Ուստի և փողն Տարսոնացի.
 Յանապատէ հոչակելի
 Որ յորջորջի Մլիճի:
 Է ի ստորոտն Տաւրոսի,
 Լիրին մեծի և անուանի,
 Մերձ ի դղեակ Պապառանի:
 Որոյ եկեալ յայս գաւառի,
 Որում անուն Վայ ձոր կոչի
 Հուպ ի շիրիմն Սիւնեցի,
 Ի յԱղբերց վանս մենաստանի,
 Յերկրորդ Աթենքս պանծալի,
 Առ ոտըս հար մեր ներսէսի⁵⁰:



Գալիթ Անհաղթի «Սահմանի» առաջին էջը (Գլաճոր):

50 2. Տ ա շ յ ա ն, Յուցակ հայերեն ձեռագրաց մատենագարանին Մխիթարյանց, էջ 1039:

Անտիկ աշխարհում Կթենական էին անվանում բարձրագույն ուսումնական հաստատությունները. նույն անվանումը, ինչպես երևում է, կիրառվել են նաև միջնադարյան Հայաստանում: Գլաձորը համալսարան որակումով հիշում է Ստեփանոս Օրբելյանը. համալսարանի ուսուցչապետ Ծսայի Նշեցուն ուղարկած գրության մեջ նրան անվանում է «Յիսուսական համալսարանի պետ»⁵¹: Արտակարգ գովեստով է խոսել նաև համալսարանի սասին. անվանելով «Արեգակնափայլ և երկնահանդէս, գերահռչակ, հոյակապ և մեծաշուք վեհագոյն ուխտիդ Հայաստանեացս աշխարհի, տեղի լոյսոյ և ակնկալութեան և պարծ[անք] աստուածային հանճարոյն համեղութեան ճաշակացն ընտրութեան, անաթ վեհագոյն և երկնակենցաղ վարուց և ուսման, մակացութեան ներընդունան»⁵²:

МЕСТОНАХОЖДЕНИЕ И ДАТА ОСНОВАНИЯ ГЛАДЗОРСКОГО УНИВЕРСИТЕТА

(к 700-летию основания университета)

Доктор историч. наук А. Г. АБРАМЯН

(Резюме)

Гладзорский университет, одна из знаменитых высших учебных школ средневековой Армении, находился в историческом Вайоц-дзоре (в нынешнем Ехегнадзорском р-не) и действовал с 80-х годов XIII века до 40-х годов XIV века. Его ректорами были крупные ученые своего времени Нерсес Мшеци и Есаи Нчеци. В университете учились студенты со всех концов Армении: из Киликии, Тарона, Айрарата, Сюника. Здание университета не сохранилось, это и сделало неясным его местонахождение; некоторые ученые помещали его в ущелье села Вернашен, другие — в местность Танаат. На основании письменных источников и археологических раскопок, произведенных ЕрГУ, мы полагаем, что Гладзорский университет находился при монастыре Танаат и действовал под его покровительством. Большинство исследователей принимают за дату основания университета 1280 год, так как в этом году там была переписана рукопись, содержащая «Опровержение ересей» армянского ученого V века Езника Кохбаци. Мы разделяем это мнение, однако считаем, что первые годы университетской работы были еще организационным периодом. Гладзор достигает настоящего университетского уровня только с осени 1283 года; с этого времени в памятных записях рукописей Гладзор упоминается как «прославленные Афины».

51 Ղ. Ալիշան, Սիսական, էջ 132, ծանոթ. № 3:

52 Մաշտոցի անվ. Մանեսիկոսյան, ձեռ. № 848, էջ 78բ—79ա: